

**FEDERALNO MINISTARSTVO RADA I SOCIJALNE POLITIKE
EKONOMSKO- SOCIJALNO VIJEĆE ZA TERITORIJU FEDERACIJE
BOSNE I HERCEGOVINE**

Broj: 03-34/19-594/10
Sarajevo, 27.04.2010. godine

Z A P I S N I K

sa 69. sjednice Ekonomsko-socijalnog vijeća za teritoriju Federacije Bosne i Hercegovine, održane dana 27.04.2010.godine u 16,00 sati.

Sjednicom predsjedava gospodin Edhem Biber, predsjedavajući Ekonomsko-socijalnog vijeća.

Sjednici prisustvovali:

Dr. Perica Jelečević, federalni ministar rada i socijalne politike, Desnica Radivojević, federalni ministar trgovine, Radovan Vignjević, koordinator, Ismet Bajramović, predsjednik Saveza samostalnih sindikata BiH, Rifat Mahmutović, predsjednik Sindikata komunalne privrede, Salih Kruščica, predsjednik Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH, Omer Sikira, predsjednik Samostalnog sindikata elektroenergetskih radnika BiH, Salem Hujić, predsjednik Samostalnog sindikata radnika šumarstva, prerade drveta i papira BiH, Predrag Čović, Mladen Pandurević i Eldin Brčaninović ispred Udruženja poslodavaca Federacije BiH.

Sjednici nisu prisustvovali:

Vahid Hećo, federalni ministar energije, rudarstva i industrije, Nail Šećkanović, federalni ministar prometa i komunikacija, Vjekoslav Bevanda, federalni ministar financija, Mehmed Čorhodžić i Miralem Jahić, ispred Udruženja poslodavaca Federacije BiH. Umjesto ministara bili su prisutni zamjenici Mira Bradara, Stipo Buljan i Izet Mehinagić.

Osim članova Ekonomsko-socijalnog vijeća sjednici su prisustvovali:

Samira Bakić, iz Federalnog ministarstva finansija, Džana Kadribegović, pomoćnica federalnog ministra rada i socijalne politike i Ernevaza Hrustanović ispred stručne službe ESV-a.

DNEVNI RED

1. Usvajanje zapisnika sa redovne 68. sjednice sjednice ESV-a;
2. Prijedloga Zakona o ESV-u
3. Razvoj industrijske politike u FBiH
4. Prednacrt Zakona o garancijskom fondu

Dnevni rede dopunjen je tačkom

5. Tekuća pitanja:

- a) Zakon o posredovanju u zapošljavanju i socijalnoj sigurnosti nezaposlenih osoba,
- b) Zakon o finansijskoj konsolidaciji privrednih subjekata sa većinskim učešćem državnog kapala,
- c) Zakon o plaćama i naknadama u organima vlasti FBiH

Ad.1.

Socijalni partneri imali su tri primjedbe na zapisnik. Prva primjedba se odnosi na tačku Ad.3 gdje je potrebno izvršiti ispravku u drugom pasusu koji se odnosi na Poslodavce, a tiče se rečenice: Prema trenutnoj situaciji ni jedna firma iz metalne industrije nema izgleda da dobije kredit Razvojne banke Federacije BiH jer traže garancije koje su za 50% veće nego što su bile prije. Ovo suštinski nije tačno, već je rečeno da su uvjeti pri dobivanju kredita takvi da, Razvojena banka FBiH traži garanciju kroz neopterećenu hipoteku koja je za 50% veća od traženog iznosa kredita.

Druga primjedba odnosi se na zaključak tačke Ad.3. gdje četvrti pasus preformulisano treba da glasi: Ekonomsko-socijalno vijeće traži da Vlada Federacije BiH najkasnije do 14.04.2010. godine kada se otvara stečajni postupak, razmotri i prihvati Sporazum o načinu izmirenja dugovanja" Krivaje Zavidovići".

Treća primjedba tiče se predloženog dnevnog reda. Potrebno je izvršiti ispravku tehničke greške, koja se odnosi na tačku 2. dnevnog reda, gdje treba da stoji: Razmatranje industrijske politike u FBiH.

Ad.2.

Zaključkom sa 68. sjednice Ekonomsko-socijalnog vijeća, dogovoreno je da socijalni partneri imenuju po jednog predstavnika iz delegacije Vlade, Poslodavaca i Sindikata koji će razmotriti ponuđeni tekst Zakona o ESV-u.

Na zajedničkom sastanku koji je održan 20.04.2010. godine bili su prisutni Džana Kadribegović, ispred delegacije Vlade FBiH, Mladen Pandurević, ispred delegacije Poslodavaca i Rifat Mahmutović, ispred delegacije Sindikata. **Zaključeno da trenutno ne postoji pravni osnov za donošenje pomenutog zakona, ali da se može predvidjeti u Zakonu o radu.**

Zbog potrebe obezbjeđenja većeg stepena samostalnosti ESV-a u odnosu na socijalne partnere, posebno u odnosu na Vladu FBiH, većeg stepena ozbiljnosti i odgovornosti u radu, delegacije Poslodavaca i Sindikata su odlučne u stavu da je neophodno utemeljenja Ekonomsko-socijalnog vijeće na osnovu Zakona, kao što je praksa u zemljama okruženja.

Nakon diskusije usvojeni su sljedeći zaključci:

- I. **Obavezuje se Federalno ministarstvo rada i socijalne politike da će preuzeti dalje aktivnosti na donošenju Zakona o Ekonomsko-socijalnom vijeću.**
- II. **Nakon što resorno ministarstvo utvrdi Prednacrt zakona o ESV-a, prije upućivanja prema Vladi FBiH, bit će ponovo razmatran na sjednici ESV-a.**
- III. **Usaglašena rješenja iz predloženog Zakona o Ekonomsko-socijalnom vijeću ugraditi u Izmjene i dopune Sporazuma o osnivanju Ekonomsko-socijalnog vijeća.**

Ad.3.

Stipo Buljan, tajnik Federalnog ministarstva energije, rudarstva i industrije dao je kratak uvid u dokumenat Razvoj industrijske politike u BiH. Pošto je ovaj dokument rađen po industrijskim oblastima, svaki voditelj pojedine oblasti iz ovog dokumenata imat će prezentaciju u Parlamentu Federacije BiH, kako bi se omogućilo vođenje kvalitetne rasprave prije usvajanja.

Primarni cilj je bio vidjeti kojim pravcem će se razvijati industrija u Federaciji BiH u periodu od sljedećih deset godina, stvaranje jedinstvenog ekonomskog tržišta, jedinstvenog tržišta rada, poboljšanje konkurentnosti na evropskom tržištu, a sve u skladu sa Sporazumom o stabilizaciji i priključenju sa Evropskom Unijom.

Predstavnici Poslodavaca izrazili su žaljenje što socijalni partneri nisu bili uključeni pri izradi ovog dokumenta, kako bi eventualno poboljšali tekst i doprinijeti njegovoj kvaliteti.

21. maja 2010. u Aluminij d.d. Mostar bit će organizovana rasprava na ovu temu, gdje su pozvani i predstavnici Sindikata. Na današnjoj sjidnici nisu bili spremni meritorno da se izjasne o ovoj politici, ali su mišljenja da je treba podržati, nakon rasprave uputiti eventualne primjedbe i insistirati na učešću socijalnih partnera u njenom donošenju.

Ocjena socijalnih partnera je da dokumenat predstavlja dobru osnovu i dobru dijagnozu stanja u industriji, te da je veoma značajan za donošenje akcionih planova i projekata. U skladu s tim, smatraju da ovoj politici treba dati podršku i pokrenuti inicijativu da se nakon javne rasprave u nju ugrade eventualne primjedbe i prijedlozi.

Nakon vođene diskusije usvojen je zaključak:

Ekonomsko-socijalno vijeće je podržalo projekat „Razvoj industrijske politike u FBiH“ i preporučuje resornom ministarstvu da prihvati eventualne primjedbe i prijedloge socijalnih partnera, posebno Poslodavaca koji će organizovati okrugli sto sa temom za ovaj projekat, 21.05.2010. godine u Mostaru.

Ad.4.

Uvod o Prednacrta Zakona o garancijskom fondu dao je Samir Bakić, v.d.pomoćnik za dug, iz Federalnog ministarstva finansija.

Polazna tačka bilo je obraćanje međunarodnim institucijama i razmatranje pozitivnih iskustava. Federalno ministarstvo finansija je dostavilo Prednacrta ovog zakona Svjetskoj banci i zatražilo podršku za osiguranje sredstava za osnivanje fonda. Iako je izrazila spremnost da pomogne osnivanje fonda, Svjetska banka nije mala jasnu viziju šta se želi postići ovim Zakonom, niti je ima procjene o efektima uspostavljanja ovog fonda. Zbog toga je htjela angažovati konsultante koji bi uradili određene procjene i dali preporuke za poboljšanje teksta predloženog Zakona.

Komentar Samira Bakića na Prednacrta Zakona o garancijskom fondu bio je da nije praksa da garancije ovakvih fondova pokrivaju cjelokupan iznos kredita već samo dio, koji uobicajeno ne prelazi 50% iznosa kredita. Osnovna svrha ovakvih garancija jeste da osiguraju kolateral tražiocima kredita, a ne da snose cjelokupan rizik plasmana koji preuzima banka, odobravanjem kredita klijentu. Dakle, rizik plasmana treba da dijele banka i fond u odgovarajućem omjeru. Takodjer, uobicajno je da fond garantuje samo za glavnica kredita a ne i kamate. Na takav način fond ne snosi rizik promjene redovne kamatne stope koju banka i klijent mogu autonomno ugovoriti, niti obracun zateznih kamata ili druge troskove koji se mogu pojaviti. U slucaju da se ostavi mogucnost da fond pokriva cjelokupan rizik, banke mi mogle biti ohrabrene i podstaknute da ne vode

racuna o kreditnom riziku i bonitetu klijenta, što bi, s druge strane, povećalo rizik fonda i ugrozilo njegov kapital. Ukratko, segmentu rizika nije se posvetila dužna pažnja, što je pitanje od izuzetne važnosti za poslovanje fonda.

Predstavnici Poslodavaca su naglasili potrebu za osnivanjem garancijskog Fonda, kako bi se stvorili uvjeti za razvoj malih i srednjih preduzeća, novog zapošljavanja i novog tržišta izvoza. Predlažu Vladi FBiH da ubrzano poduzme aktivnosti i stvori mogućnosti da firme koje trenutno dobro posluju dođu do kapitala, prije nego za njihovo poslovanje bude kasno.

I predstavnici Sindikata smatraju da je neophodno utemeljiti garancijski Fond radi poticaja razvoja poslovanja, ali da se ovome trebalo pristupiti puno ozbiljnije. Mišljenja su da se tema trebala skinuti sa dnevnog reda, i da se treba postaviti rok za izvršenje ove obaveze.

Nakon rasprave po ovoj tački dnevnog reda, usvojen je sljedeći zaključak:

Ekonomsko-socijalno vijeće smatra da je neophodno na adekvatan način urediti oblast definiranja izvora sredstava Fonda i njihovog plasmana i predlaže Federalnom ministarstvu finansija da što hitnije preduzme dalje aktivnosti na rješenju ove oblasti.

Ad.5.

Na sjednici Predstavničkog doma Parlamenta FBiH koja je zakazana za 28.04.2010. godine bit će razmatran Nacrt zakona o izmjeni Zakona o posredovanju u zapošljavanju i socijalnoj sigurnosti nezaposlenih osoba. Tim povodom delegacija Sindikata izrazila je oštar protest zbog nepoštovanja zaključaka ESV-a od strane Vlade FBiH, na osnovu kojeg su Sindikat i Vlada FBiH trebali zajednički razmotriti tekst ponuđenog Prednacrta i naći zajednička rješenja. Kako zaključak ESV-a nije realizovan, Sindikat traži da se tekst pomenutog Nacrta povuče iz parlamentarne procedure.

Zadužuje se Stručna služba ESV-a da od određenih ministarstva ubuduće sve aktuelne i značajne zakone koji se odnose na ekonomsko-socijalnu politiku, prije Vlade FBiH, dostavite ESV-u kako bi se razmatrali na sjednici i socijalni partneri zauzeli stav o istim.

Sjednica Ekonomsko-socijalnog vijeća zaključena je u 18.30 sati.

Naredna sjednica ESV-a zakazana je za 25.05.2010. godine, sa početkom u 16,00 sati.

Predloženi dnevni red je:

1. Usvajanje zapisnika se prethodne sjednice ESV-a;
2. Prednacrt Zakona o radu;
3. Izmjene i dopune Zakona o posredovanju u zapošljavanju i socijalnoj sigurnosti nezaposlenih osoba;
4. Usvajanja izvještaja o finansijskom poslovanju ESV-a za 2009.godinu;
5. Finansijski plan poslovanja za 2010. god.
6. Izvještaj o radu ESV-a za 2009. godinu.

Zapisnik vodila i sredila
Elmedina Šehović

Predsjedavajući
Ekonomsko-socijalnog vijeća
Edhem Biber